

Бырааттыы Николаевтар

Мондо Ылдьаа – Ильин Илья Ильич алта уоллаах, икки кыыстаах эбит. Олортон элбэх оҕо-уруу төрөөн, билигин Саха сиригараас муннуктарыгар тарҕанан олороллор.

Ылдьаа улахан уола Ньюкулай буолар. Кини иккитэ кэргэннэнэ сылдыбыт. Бастакы кэргэнигэ Василий диэн уоллаах, Аана, Өрүүнэ диэн кыргыттардаах эбит. Олор бары улаатан, ыал буолан, оҕо төрөтөн, кырдьар саастарыгар тийэн күн сириттэн барбыттар. Аана Сэмэккээн кэргэнэ, Өрүүнэ Тыһаҕас Арамаанын кэргэнэ.

Василий 3 уол, 1 кыыс оҕолоох, орто ыал кэмминэн олохтооттор. Оччолорго оҕолорго эһэлэрин аатын фамилия гыннан инэрэн бу оҕолор Николаевтар диэн буолаллар. Оннук уларыппатахтара буоллар төрүт ааттар Ильиннэр диэн.



Николаев Филипп Васильевич

Улахан уол Николаев Филипп Васильевич. Кини 1911 сыл тохсунньу 14 күнүгэр Нам нэһилиэгэр күн сирин көрбүтэ. Филипп ситэтэ суох орто үөрэхтээх да буоллар, ааҕара-суоттара барыта өйүгэр буолара. Кини оччолорго бухгаалтырдар куурустарын бүтэрэн учуот үлэтигэр үлэлиир. Сэригери бириэмэтигэр аһаах ыарыһах буолан, доруобуйатынан сыыллан, үлэ фронугар хаалбыта. Нам бастакы комсомолецтарыттан биридэстэрэ. «Чолбон» колхозка суотчутунан үлэлии киирбитэ. Ыскылаат тоһоҕотун кимиэхэ төһөнү биэрбитин, төһөтө хаалбытын барытын төбөтүгэр суоттуура, дьизэ тутуутугар төһө мас, хаптаһын барарын ыйыттаһарына сонно тутта эппиэтин биэрэр диэн эһэм Эниэттэй кэпсиирэ. Билигин бириэмэбэ төрөөбүтэ буоллар, олох дьолуннаах экономист буолуох этэ.

Кэлин Исидор Барахов, Үөдүгэй совхозтарга бухгалтердаабыта. Биригэдьиридэргэ отторун быатын быалаатаһарына онно суоттаан ааҕан, төһө сөп буоларын орубуна биэрэрэ.

Эргэ кулуупка, хонтуора дьэтигэр, ыыс-быдаан буруо быһыыгар Силип хара мас суотун тыһа бу баардык лаһырҕыра. Кини быһыытынан көнөтө, сытыары сымнаҕаһа, мээһэ сангара-инэрэ сылдыбат этэ. Төрөппүт уол уонна кыыс оҕолооҕо.

Уола Николаев Семен Филиппович диэн, Сунтаар Хаданыттан төрүттээх Тамара Дмитриевна Кожеева диэн, үчүгэйкээн, музыка үөрэхтээх учуутал кэргэннээбэ. Билиги оскуолаба үөрэнэр сылларбытыгар оройуонна ытыллар фестивалларга бастакы миэстэттэн түспэт этибит. Онон Тамара Дмитриевна кырата суох кылааттаах этэ. Кинилэр Сэмэннин Намна олохсуйан, дьибэ-уот туттан, үс сибэкки кыргыттарданан үлэлии-хамныы сырыттахарына, 1996 сылга Семен тутууга үлэлии сылдьан оһолго суорума суолламмыта. Онон Тамара Дмитриевна эдэр сааһыгар үс-сии кырбас оһолорунаан огдообо хаалан, төрөөбүт Сунтаарыгар, дьонугар-сэргэтигэр көһөн барбыта. Билигин кыргыттар хайыы үйэ үлэһиттэр, ыаллар. Тамара Дмитриевна этэннэ сылдьарын, аныгы ватсап үйэтигэр билсэн кэпсэтэбит...

Силип кыһа Николаева Вера Филипповна билигин Үөһээ Бүлүү Кырыкыйыгар олорор. 8 оҕо тапталлаах ийэтэ, элбэх сиэн эбээтэ. Өр сылларга Кырыкый детсадын сэбиэдиссэинэн үлэлээбитэ. Вера Филипповна улахан оҕото, уола Николаев Анатолий Николаевич, билигин Саха сириг биир улахан, үрдүк үөрэбин СВФУ ректора, биологическай наука доктора, доцент. Толя оҕо сааһа Намна эбээтигэр Өлөксөөндүрүбэ ааспыта. Кыратыттан үөрэххэ-билиигэ тардыһылааба.



*Николаева Вера
Филипповна*

Силип иккис кэргэнэ Маарыйа, Үөһээ Бүлүү Боотулууттан төрүттээх. Кинилэр сааһыран баран холбоспуттара, ол да буоллар сана төрөөбүт кыыс оҕону ииттэ ылбыттара 1963 сыллаахха. Тамара Николаева билигин Онхойго пенсияба олорор, 5 оҕо амарах ийэтэ, 8 сиэн эбээтэ.



*Николаев Сергей Васильевич кэргэнэ Мындаева
Анна Степановна*

Василий иккис уола Сергей Васильевич Николаев буолар. Кини орто үөрэхтээх да буоллар улууһугар үп салаатын сэбиэдиссэинэн хас да сыл үлэлээбитэ. Киниэхэ эмиэ убайын Силип курдук ааһар-суоттуур өйө айылбаттан бэриллибит буолан, маннык эппиэттээх үлэбэ үлэлээтэбэ. Кэргэнэ Мындаева

Анна Степановна диэн. Уоллаах кыыс оҕолордоохторо. Аҕалара Сергей эдэр сааһыгар 1946 сыллаахха ыалдыан өлбүтэ. Оҕолор иккиэн үрдүк үөрэхтэммиттэрэ. Кыыһа Тамара Сергеевна философия факультетын Ленинградтаабы госуниверситетка бүтэрбитэ. Үөһээ Бүлүүгэ өр сылларга учууталынан үлэлээбитэ.

Тамара Сергеевна улахан оҕото Николаев Айсен Сергеевич 1972 сыл тохсунньу 22 күнүгэр Ленинградка күн сиригэр көрбүтэ. Кини Үөһээ Бүлүүгэ физико-математическай оскуоланы кыһыл көмүс мэтээлинэн бүтэрэн, Москватаабы государственнай университет физическай факультетын бүтэрэр. 2018 с. балаҕан ыйын 9 күнүгэр Саха сиригэр олохтоохторун баһыйар үгүс куоластарын ылан Саха сиригэр Аҕа баһылыга - Ил Дархана буолан, күн бүгүнгэ диэри үтүө суобастаахтык, эдэрдий эрчимнээхтик үлэли хамсыгы сылдьар.

Үһүс уол Николаев Николай Васильевич (Туйах). Кини орто үөрэхтээх этэ. «Чолбон» колхозка партком секретарынан үлэлээбитэ. Дьокуускай куораттан партиянай мунньахтан кэлэн иһэн, 1951 сыллаахха самолет авариятыгар 5-6 табаарыстарын кытта өлбүтэ. Ийэм кэпсээбитинэн Ньюкулай Мария Ниловнаҕа кыыс оҕолоох эбит. Светлана Николаевна 1951 сыл ахсынньы ыйга төрөөбүт. Билигин Намна ыал таптааллаах ийэтэ, эбэтэ буолан олорор. Өр сылларга детсадка оҕо иитиитигэр үлэлээн, билигин пенсияҕа олорор.



Николаев Николай
Васильевич кэргэнэ Ычырова
Аннанын

Василий Вера диэн соҕотох кыыстааҕа, кэргэннэнэн баран, эдэр сааһыгар ыалдыан күн сириттэн күрэммит.

Ахтыыны суруйдум Ньюкулай хос сиэнэ Любовь Васильевна Болтокова. Бу суруйууга таайым Родион Николаевич Ильин ахтыыларыгар, ийэм Егорова М. И. кэпсээнигэр олобурдум. Суруллубут суоруллубат.

Любовь Васильевна Ю-Болтокова, 2020 с.